

ლაგოდეხის მუნიციპალიტეტის საკრებულოს

დადგენილება №28
2022 წლის 27 დეკემბერი

ქ. ლაგოდეხი

ლაგოდეხის მუნიციპალიტეტის მოსახლეობის ჯანმრთელობისა და სოციალური დაცვის 2023 წლის პროგრამისა და მისი ბიუჯეტის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის მე-2 პუნქტისა და „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტის შესაბამისად, ლაგოდეხის მუნიციპალიტეტის საკრებულო ადგენს:

მუხლი 1

დამტკიცდეს „ლაგოდეხის მუნიციპალიტეტის მოსახლეობის ჯანმრთელობისა და სოციალური დაცვის 2023 წლის პროგრამა და მისი ბიუჯეტი“ დანართი №1-ის და დანართი №2-ის შესაბამისად.

მუხლი 2

გამოცხადდეს ძალადაკარგულად ლაგოდეხის მუნიციპალიტეტის საკრებულოს 2021 წლის 21 დეკემბრის №24 დადგენილება „ლაგოდეხის მუნიციპალიტეტის მოსახლეობის ჯანმრთელობისა და სოციალური დაცვის 2022 წლის პროგრამისა და მისი ბიუჯეტის დამტკიცების შესახებ.“

მუხლი 3

დადგენილება ძალაშია 2023 წლის 1 იანვრიდან.

ლაგოდეხის მუნიციპალიტეტის
საკრებულოს თავმჯდომარე

კარლო ჯამბურია



ლაგოდეხის მუნიციპალიტეტის მოსახლეობის
ჯანმრთელობისა და სოციალური დაცვის 2023 წლის პროგრამა

პროგრამის ზოგადი მიმოხილვა

მუხლი 1. ლაგოდეხის მუნიციპალიტეტის მოსახლეობის ჯანმრთელობისა და სოციალური დაცვის პროგრამა

ლაგოდეხის მუნიციპალიტეტის მოსახლეობის, ჯანმრთელობისა და სოციალური დაცვის პროგრამა განსაზღვრავს, ლაგოდეხის მუნიციპალიტეტში რეგისტრირებულ და ამავდროულად ფაქტობრივად მაცხოვრებელი მოსახლეობისათვის და ლაგოდეხის მუნიციპალიტეტში, დროებით რეგისტრირებული დევნილი, მოსახლეობისათვის ადგილობრივი ბიუჯეტიდან სოციალური დახმარების მიღების პირობებს, მიმღებთა (ბენეფიციართა) კატეგორიებს, მათ მიერ, მუნიციპალიტეტში წარმოსადგენი დოკუმენტაციის სახეებსა და დახმარების სახით გასაცემი თანხის ოდენობას.

მუხლი 2. პროგრამის აქტუალობა

1. ლაგოდეხის მუნიციპალიტეტში მცხოვრებ მოქალაქეთა სოციალური მდგომარეობის გაუმჯობესება.
2. სიღარიბის დაძლევის სახელმწიფო პროგრამის მოქმედების მიუხედავად, არსებობს მოქალაქეთა სხვადასხვა კატეგორია, რომელიც საჭიროებს თვითმმართველობის დახმარებას.
3. სახელმწიფოს მიერ სამედიცინო პროგრამების დაფინანსების მიუხედავად, იმ მოქალაქეთა ცალკეული კატეგორიები, რომელნიც არ ფლობენ სამედიცინო დაზღვევის ბარათს (პოლისს), ხშირ შემთხვევაში ვერ ახერხებენ ჯანმრთელობის მდგომარეობის კვლევას ან/და სტაციონალურ მომსახურებას (სამედიცინო ჩარევა, მკურნალობა, კვლევა).

მუხლი 3. პროგრამის მიზანი და ამოცანები:

1. აქტიური სოციალური პოლიტიკის გატარება;
2. სოციალურად დაუცველთა დახმარების სისტემის სრულყოფა;
3. მოქალაქეთა ჯანმრთელობის მდგომარეობის გაუმჯობესებისა და რეაბილიტაციის ხელშეწყობა;
4. ონკოლოგიური დაავადების მქონე პაციენტთა მედიკამენტებით დახმარება;
5. იშვიათი, თანდაყოლილი, მძიმე დაავადების მქონე 18(წლამდე) ასაკის პაციენტებისათვის საკვებით ხელშეწყობა;
6. ლაგოდეხის მუნიციპალიტეტში მცხოვრები, მოქალაქეები, რომლებიც დამოკიდებულნი არიან დიალიზზე, მათი ტრანსპორტირების ხარჯით უზრუნველყოფა;
7. მარტოხელა მშობლების, ობოლი და მზრუნველობა მოკლებული ბავშვების, დედ-მამით ობოლი ბავშვების დახმარება, ბავშვები რომელთაც გარდაცვლილი ჰყავს ერთერთი მშობელი, ხოლო მეორე მშობელს შეზღუდული აქვს მშობლის უფლება - მოვალეობა ან /და იმ ბავშვების დახმარება რომელთა მშობლებს შეზღუდული აქვს მშობლის სტატუსი; ახალშობილებისა და მრავალშვილიანი ოჯახების სოციალური დაცვა;

8. უსახლკაროთა რეგისტრაცია, მათი უზრუნველყოფა დროებითი თავშესაფრით (ბინის ქირის უზრუნველყოფა).
9. დევნილთა ოჯახების დახმარება;
10. ვეტერანთა ინტერესების დაცვა; საქართველოს ტერიტორიული მთლიანობისათვის დაღუპულ მეომართა ხსოვნის უკვდავყოფა; ასევე მათი ოჯახების ინტერესების დაცვა.
11. უკიდურესად გაჭირვებულ მოქალაქეთა ჩართვა უფასო კვებით მომსახურებაში;
12. საზოგადოებრივი ჯანდაცვის სფეროს კოორდინირება;
13. სოციალურად დაუცველი მოსახლეობის, ხანდაზმულების ცხოვრების პირობების გაუმჯობესებაზე ზრუნვა, მათი სოციალური ინტეგრაცია;
14. 100 წლის და მეტი ასაკის ხანდაზმულთა სოციალური დაცვა;
15. მკვეთრად შეზღუდული შესაძლებლობის სტატუსის მქონე (პირველი ჯგუფი) პირთა და შეზღუდული შესაძლებლობის სტატუსის მქონე ბავშვთა (18 წლამდე ასაკის) ოჯახებს დაცვა;
16. უსინათლო ოჯახების სოციალური დაცვა.
17. აუტისტური სპექტრის მქონე ოჯახების დაცვა;
18. ლაგოდების მუნიციპალიტეტში ფაქტობრივად მცხოვრებ ოჯახში ძალადობის მსხვერპლი პირების სოციალური დაცვა (რეგისტრაციის ადგილის მიუხედავად);
19. შეზღუდული შესაძლებლობის სტატუსის მქონე, დედიტ და მამით ობოლი სტუდენტის-სწავლის საფასურის თანადაფინანსება;
20. მაღალი აკადემიური მოსწრების სტუდენტების წახალისება;
21. 2022-2023 სასწავლო წელს საჯარო სკოლის კურსდამთავრებული და უმაღლეს სასწავლებელში ჩარიცხული სტუდენტების წახალისება.

მუხლი 4. პროგრამის რეალიზაციის ძირითადი მიმართულებები

პროგრამის რეალიზაციის ძირითადი მიმართულებებია:

1. სამართლებრივი საფუძვლების შექმნა;
2. სოციალური დახმარებების პროგრამის სრულყოფა და განახლება;
3. სოციალური სტატისტიკის მოწესრიგება, მონაცემთა ბაზის შექმნა;
4. ანალიზი, მონიტორინგი და შეტყობინების ეფექტური ფორმის დანერგვა;
5. პროგრამის საინფორმაციო უზრუნველყოფა.

თავი II

სოციალური დახმარების პრიორიტეტები და სოციალური ღონისძიებები

მუხლი 5. სოციალური დახმარების პრიორიტეტები

სოციალური დახმარების პრიორიტეტებია:

1. მკვეთრად შეზღუდული შესაძლებლობის სტატუსის მქონე (პირველიჯგუფი) პირთა და შეზღუდული შესაძლებლობის სტატუსის მქონე ბავშვთა (18 წლამდე ასაკის) ოჯახები;
2. უსინათლოთა ოჯახები;
3. აუტისტური სპექტრის მქონე პირთა ოჯახები;
4. ჩვილ ბავშვთა ოჯახები;
5. მრავალშვილიანი ოჯახები, რომელსაც ჰყავს 4 და მეტი არასრულწლოვანი (18 წლამდე ასაკის) შვილი;
6. მარტოხელა მშობლებისა და ობოლ და მარჩენალდაკარგულ ბავშვთა ოჯახები, რომელსაც ჰყავს ერთი ან მეტი არასრულწლოვანი (18 წლამდე ასაკის) შვილი;
7. ძალადობის მსხვერპლთა ოჯახები;
8. ომისა და სამხედრო ძალების ვეტერანის, საქართველოს ტერიტორიული მთლიანობისათვის, საბრძოლო მოქმედებების დროს დაღუპული მეომრის ოჯახი.
9. იძულებით გადაადგილებულ პირთა (დევნილთა) ოჯახი;
10. მარტოხელა, სოციალურად დაუცველი პირები (გარდაცვალების შემთხვევაში, დაკრძალვის სარიტუალო ხარჯი);
11. ოჯახი რომლის წევრები საჭიროებენ სასწრაფო სამედიცინო დახმარებას – სამედიცინო ჩარევას, კვლევას, მკურნალობის (გარდა ფიზიოლოგიური მშობიარობისა და საკეისრო კვეთისა), თანდაფინანსებას;
12. ონკოლოგიური (ავთვისებიანი სიმსივნით) დაავადების მქონე პაციენტთა მედიკამენტებით დახმარება;
13. ხანძრით, მიწისძვრით, ბუნებრივი კატასტროფებით, სხვა განსაკუთრებული შემთხვევით დაზარალებული ოჯახი, უსახლკარო ოჯახი ან/და ოჯახი, რომლის ავარიული საცხოვრებელი სახლი საფრთხეს უქმნის ადამიანის სიცოცხლეს - საცხოვრებლით უზრუნველყოფა, აგრეთვე ძალადობის მსხვერპლი ოჯახების საცხოვრებელი სახლით უზრუნველყოფა.
14. 100 წლის და მეტი ასაკის მქონე ხანდაზმულები;
15. ჰემო - დიალიზზე და პერიტონიალურ დიალიზზე მყოფი მოქალაქეები;
16. უდედმამო ბავშვთა დახმარება, ბავშვები რომელთაც გარდაცვლილი ჰყავს ერთერთი მშობელი, ხოლო მეორე მშობელს შეზღუდული აქვს მშობლის უფლება - მოვალეობა ან /და იმ ბავშვების დახმარება რომელთა ორივე მშობლებს შეზღუდული აქვს მშობლის სტატუსი;
17. მოქალაქეთა ჩართვა უფასო კვებით ობიექტებში;
18. ხანდაზმულების ცხოვრების პირობების გაუმჯობესებაზე ზრუნვა, მათი სოციალური ინტეგრაცია.
19. იშვიათი, თანდაყოლილი, მძიმე დაავადების მქონე 18(წლამდე) ასაკის პაციენტები;
20. მკვეთრად შეზღუდული შესაძლებლობის სტატუსის მქონე სტუდენტები;
21. დედით და მამით ობოლი 18-დან 25 წლამდე სტუდენტები.
22. მაღალი აკადემიური მოსწრების სტუდენტები;

23. 2022-2023 სასწავლო წელს საჯარო სკოლის კურსდამთავრების შემდეგ, უმაღლეს სასწავლებელში ჩარიცხული სტუდენტები.

მუხლი 6. სოციალური ღონისძიებებია:

1. მკვეთრად შეზღუდული შესაძლებლობის მქონე პირთა დახმარება:

ა) მკვეთრად შეზღუდული შესაძლებლობის სტატუსის მქონე პირთა დახმარება;

ბ) შეზღუდული შესაძლებლობის (18 წლამდე ასაკის) ბავშვთა დახმარება;

გ) შეზღუდული შესაძლებლობების მქონე, პირთა მხარდაჭერა, სოციალური ინკლუზიის ხელშეწყობა და დამოუკიდებელი ცხოვრებისათვის საჭირო უნარების განვითარება.

დ) უსინათლო პირთა დახმარება;

ე) აუტისტური სპექტრის აშლილობის მქონე (18 წლამდე) ბავშვთა დახმარება .

2. ჯანდაცვის ღონისძიებების – სამედიცინო ჩარევის, კვლევის, მკურნალობის დაფინანსება ან/და თანადაფინანსება.

3. ონკოლოგიური (ავთვისებიანი სიმსივნით) დაავადების მქონე პაციენტთა მედიკამენტებით დახმარება.

4. ახალშობილთა, მრავალშვილიანთა, მარტოხელა მშობელთა, ობოლი და მარჩენალდაკარგულთა ბავშვების, დედ-მამით ობოლი ბავშვების დახმარება, ბავშვები რომელთაც გარდაცვლილი ჰყავს ერთერთი მშობელი, ხოლო მეორე მშობელს შეზღუდული აქვს მშობლის უფლება - მოვალეობა ან /და იმ ბავშვების დახმარება რომელთა ორივე მშობლებს შეზღუდული აქვს მშობლის უფლება;

5. უკიდურესად გაჭირვებული და სოციალურად დაუცველი ოჯახებისათვის, თბობის სეზონთან დაკავშირებით, ელექტროენერჯის ან/და ბუნებრივი აირის ღირებულების თანადაფინანსება.

6. იძულებით გადაადგილებულ პირთა (დევნილთა ოჯახები აფხაზეთის და სამხრეთ ოსეთის ავტონომიური რესპუბლიკებიდან) ოჯახების სოციალური და ყოფითი პირობების გაუმჯობესების ხელშეწყობა.

7. სტიქიის (მიწისძვრა, წყალდიდობა, ხანძარი) შედეგად, გაუსაძლის პირობებში მცხოვრები და უსახლკაროდ დარჩენილი ოჯახებისათვის, უსაფრთხო საცხოვრებელი გარემოს შექმნის ხელშეწყობა. ამავე პროგრამის ფარგლებში, ოჯახში, ძალადობის მსხვერპლთა დროებითი თავშესაფრით უზრუნველყოფა.

8. ოჯახში ძალადობის მსხვერპლთა ოჯახების დახმარება;

9. 100 წლის და მეტი ასაკის მქონე ხანდაზმულთა დახმარება.

10. უფასო კვების ობიექტებისათვის ბენეფიციარების შერჩევა და შემდგომი მონიტორინგი.

11. საზოგადოებრივი ჯანდაცვის სფეროს მიმართულებით განხორციელებული საქმიანობის მონიტორინგი.

12. ჰემოდიალიზზე და პერიტონიალურ დიალიზზე მყოფ მოქალაქეთა ტრანსპორტირების ხარჯის თანადაფინანსება ყოველთვიურად, მთელი წლის განმავლობაში.

13. იშვიათი, თანდაყოლილი, მძიმე დაავადების მქონე (18 წლამდე) ბავშვთა დახმარება.

14. მკვეთრად შეზღუდული შესაძლებლობის სტატუსის (პირველი ჯგუფის) მქონე სტუდენტებისათვის ერთჯერადად სწავლის საფასურის ჩარიცხვა.

15. დედით და მამით ობოლი სტუდენტებისათვის ერთჯერადად სწავლის საფასურის ჩარიცხვა.

16. მაღალი აკადემიური მოსწრების სტუდენტების ერთჯერადი წახალისება.

17. 2022-2023 სასწავლო წლის პირველკურსელთა წახალისება.

18. ომისა და სამხედრო ძალების, შეზღუდული შესაძლებლობების მქონე, სოციალურად დაუცველი და მრავალშვილიანი ვეტერანის, საქართველოს ტერიტორიული მთლიანობისათვის დაღუპულ მეომართა ოჯახების ინტერესების დაცვა:

ა) მეორე მსოფლიო ომის, საქართველოს ტერიტორიული მთლიანობისათვის და უცხოქვეყნის ტერიტორიაზე მებრძოლთა, გარდაცვალების შემთხვევაში, სარიტუალო ხარჯი;

ბ) სადღესასწაულო ღონისძიებების შემთხვევაში, ფინანსური დახმარება. (8 მარტს ვეტერან ქალბატონებს, 2008 წლის 8 აგვისტოს, რუსეთ - საქართველოს ომის დროს, გარდაცვლილი სამხედრო მოსამსახურის ოჯახის დახმარება და აღდგომის ბრწყინვალე დღესასწაულთან დაკავშირებით, შეზღუდული შესაძლებლობების მქონე და მრავალშვილიან და სოციალურად დაუცველ ვეტერანთა ოჯახები).

თავი III

სოციალური დახმარების დაფინანსება, ბიუჯეტი, რეალიზაციის ვადა, საჭირო დოკუმენტაცია და დახმარების ოდენობა

მუხლი 7. მოსახლეობის ჯანმრთელობის დაცვა და სოციალური უზრუნველყოფის დაფინანსება

პროგრამის დაფინანსების წყაროა ლაგოდების მუნიციპალიტეტის, 2023 წლის ადგილობრივი ბიუჯეტი, სადაც სოციალური დაცვისათვის, გათვალისწინებულია -1 167 500 ლარი, ხოლო-ჯანდაცვის პროგრამებისთვის - 180 000 ლარი. ჯამში: - „მოსახლეობის ჯანმრთელობის დაცვა და სოციალური უზრუნველყოფისათვის“ დაფინანსება ლაგოდების მუნიციპალიტეტის 2023 წლის ბიუჯეტიდან განსაზღვრულია 1 347 500 ლარი.

მუხლი 8. ბიუჯეტი და რეალიზაციის ვადა.

პროგრამის ბიუჯეტი და რეალიზაციის ვადა განისაზღვრება, პროგრამის დანართი, N2-ის შესაბამისად (დანართი 2 დადგენილებას თანერთვის).

მუხლი 9. სოციალური დახმარების მისაღებად საჭირო დოკუმენტაცია

1. მკვეთრად შეზღუდული შესაძლებლობის სტატუსის მქონე (პირველი ჯგუფი) პირთა ოჯახისათვის:

ა) განცხადება;

ბ) პირადობის მოწმობის ასლი;

გ) მკვეთრად შეზღუდული შესაძლებლობის მდგომარეობის დამადასტურებელი ცნობა, სოციალური მომსახურების სააგენტოს ლაგოდების რაიონული განყოფილებიდან;

დ) სს. ენერგო-პრო ჯორჯია“-ს სამსახურში აბონენტის რეგისტრაციის ნომერი;

ე) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“;

2. შეზღუდული შესაძლებლობის სტატუსის მქონე ბავშვთა (18 წლამდე ასაკის) ოჯახისათვის:

ა) განცხადება;

ბ) განმცხადებლის (მშობლის, მეურვის, სრულწლოვანი და-ძმის) პირადობის მოწმობის ასლი;

გ) ბავშვის დაბადების მოწმობის ასლი;

დ) შეზღუდული შესაძლებლობის მდგომარეობის დამადასტურებელი ცნობა, სოციალური მომსახურების სააგენტოს ლაგოდეხის რაიონული განყოფილებიდან;

ე) სს. ენერგო-პრო ჯორჯია“-ს სამსახურში, აბონენტის რეგისტრაციის ნომერი;

ვ) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“;

3. აუტისტური სპექტრის მქონე პირების დახმარებისათვის:

ა) განცხადება (კანონიერი წარმომადგენლის);

ბ) განმცხადებლის პირადობის მოწმობის ასლი;

გ) ბავშვ(ებ) ის დაბადების მოწმობის ასლი;

დ) ფორმა N IV/100 ჯანმრთელობის მდგომარეობის შესახებ;

ე) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“;

ვ) ბანკიდან ანგარიშის ნომერი.

4. უსინათლო პირების დახმარებისათვის:

ა) განცხადება;

ბ) პირადობის მოწმობის ასლი;

გ) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“;

დ) შეზღუდული შესაძლებლობის სტატუსის დამადასტურებელი დოკუმენტი (ფორმა 100);

ე) ბანკიდან ანგარიშის ნომერი.

5. ობოლ და მარჩენალდაკარგულ ბავშვთა და მარტოხელა მშობლისათვის, რომელსაც ჰყავს ერთი ან მეტი არასრულწლოვანი (18 წლამდე ასაკის) შვილი (ებ)ი:

ა) განცხადება;

ბ) განმცხადებლის (მშობლის, მეურვის) პირადობის მოწმობის ასლი;

გ) ბავშვ(ებ)ის დაბადების მოწმობის ასლი(ებ)ი;

დ) მშობლის გარდაცვალების მოწმობის ასლი;

ელაგოდების მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“;

ვ) სს. ენერგო-პრო ჯორჯია“-ს სამსახურში, აბონენტის, რეგისტრაციის ნომერი.

ზ) გადაწყვეტილება (მარტოხელა ან/და მარჩენალდაკარგულ) მშობლის სტატუსის დადგენის შესახებ;

თ) საბანკო რეკვიზიტი.

6. ახალშობილთა ოჯახზე (პირველი და მეორე შვილი).

ა) განცხადება;

ბ) მშობლების პირადობის მოწმობის ასლები;

გ) ბავშვის დაბადების მოწმობის ასლი.

დ) ლაგოდების მუნიციპალიტეტის მერის წარმომადგენლის მიერ გაცემული ცნობა ოჯახის წევრთა შემადგენლობის შესახებ;

ე) ბანკიდან ანგარიშის ნომერი.

7. ტყუპი ბავშვის (ორი და მეტი) ახალშობილის შემდენისას:

ა) განცხადება;

ბ) მშობლების პირადობის მოწმობის ასლები;

გ) ბავშვების დაბადების მოწმობის ასლი.

დ) ლაგოდების მუნიციპალიტეტის მერის წარმომადგენლის მიერ გაცემული ცნობა ოჯახის წევრთა შემადგენლობის შესახებ;

ე) ბანკიდან ანგარიშის ნომერი.

8. მრავალშვილიანი ოჯახი , რომელთაც ჰყავთ 4 დამეტი არასრულწლოვანი /18 წლამდე ასაკის/ შვილი;

ა) განცხადება;

ბ) მშობლების პირადობის მოწმობის ასლები;

გ) ბავშვების დაბადების მოწმობის ასლები;

დ) ლაგოდების მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“.

ე) ცნობა, სოციალური მომსახურების სააგენტოს, ლაგოდების რაიონული განყოფილებიდან სარეიტინგო ქულების შესახებ;

ვ) საბანკო რეკვიზიტი

9. ომისა და სამხედრო ძალების შეზღუდული შესაძლებლობების მქონე, სოციალურად დაუცველი და მრავალშვილიანი ვეტერანების, საქართველოს ტერიტორიული მთლიანობისათვის დაღუპული მეომრების ოჯახისათვის:

9.1 მეორე მსოფლიო ომის, საქართველოს ტერიტორიული მთლიანობისათვის და უცხო ქვეყნის ტერიტორიაზე მებრძოლთა გარდაცვალების შემთხვევაში, დაკრძალვის სარიტუალო ხარჯებისათვის:

- ა) განცხადება;
- ბ) განმცხადებლის პირადობის მოწმობის ასლი;
- გ) გარდაცვლილი ვეტერანის გარდაცვალების მოწმობის ასლი;
- დ) ვეტერანობის დამადასტურებელი მოწმობის ასლი;

9.2. სადღესასწაულო ღონისძიებების ორგანიზების შემთხვევაში:

ა) ინფორმაცია, საქართველოს ვეტერანთა საქმეების დეპარტამენტის ერთიანი მონაცემთა ბაზიდან.

10. იძულებით გადაადგილებული (დევნილი აფხაზეთის და სამხრეთ ოსეთის ავტონომიური რესპუბლიკებიდან) ოჯახისათვის;

- ა) განცხადება;
- ბ) პირადობის სმოწმობის ასლი;
- გ) სტატუსის დამადასტურებელი მოწმობის ასლი;
- დ) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“.

11. მარტოხელა, სოციალურად დაუცველი პირის დაკრძალვის სარიტუალო ხარჯებისათვის;

- ა) ადმინისტრაციულ ერთეულში, მუნიციპალიტეტის მერის წარმომადგენლის რეკომენდაცია წერილობით;
- ბ) პირადობის მოწმობის ასლი/პირზე, რომელზეც მუნიციპალიტეტის მერის წარმომადგენლის მიერ გაკეთდა რეკომენდაცია/;
- გ) გარდაცვალების მოწმობის ასლი;
- დ) ცნობა სარეიტინგო ქულების შესახებ, სოციალური მომსახურების სააგენტოს ლაგოდეხის რაიონული განყოფილებიდან;

12. ოჯახისათვის, რომლის წევრ(ებ) ი საჭიროებენ სასწრაფო სამედიცინო დახმარებას;

- ა) განცხადება;
- ბ) პაციენტის პირადობის მოწმობის ასლი;
- გ) ფორმა №IV/100 ჯანმრთელობის მდგომარეობის შესახებ;
- დ) ინვოისი – ანგარიშფაქტურა – კალკულაცია;
- ე) ცნობა – საყოველთაო ჯანდაცვის მომსახურების სააგენტოს საყოველთაო ჯანდაცვის დეპარტამენტიდან, რომელიც ადასტურებს სახელმწიფო ჯანდაცვის პროგრამით სარგებლობას, უარს ან/ და ლიმიტის ამოწურვას.
- ვ) ხელშეკრულება (დავალიანების გადახდის შესახებ);
- ზ) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“.

13. ონკოლოგიური (ავთვისებიანი სიმსივნით) დაავადების მქონე პაციენტების მკურნალობისათვის საჭირო მედიკამენტების, თანადაფინანსების მისაღებად წარმოსადგენი დოკუმენტაცია:

ა) განცხადება;

ბ) პაციენტის პირადობის ან/დაბადების მოწმობის (18 წლამდე ასაკის ბავშვი) ასლი;

გ) ცნობა ჯანმრთელობის მდგომარეობის შესახებ ფორმა №IV100/ა;

დ) ხარჯთაღრიცხვის დოკუმენტი ან/და ანგარიშფაქტურა, შესაბამისი სააფთიაქო დაწესებულებიდან.

ე) საყოველთაო ჯანდაცვის მიერ გაცემული საგარანტიო ფურცელი, რომელიც ადასტურებს სახელმწიფო ჯანდაცვისპ როგრამით სარგებლობას, უარს ან/ დალიმიტის ამოწურვას.

ვ) ლაგოდების მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“.

14. ხანძრით, მიწისძვრით, ბუნებრივი კატასტროფით, სხვა განსაკუთრებული შემთხვევით დაზარალებული ოჯახი, უსახლკარო ოჯახი, რომლის ავარიული საცხოვრებელი სახლი საფრთხეს უქმნის ადამიანის სიცოცხლეს, აგრეთვე, ოჯახში, ძალადობის მსხვერპლთათვის, დროებითი საცხოვრებელი უზრუნველყოფა.

ა) განცხადება;

ბ) ოჯახის სრულწლოვანი წევრის პირადობის მოწმობის ასლი;

გ) აქტი, შესაბამისი სამსახურიდან სიცოცხლისათვის საშიში , ავარიული სახლის შესახებ;

დ) გამქირავებლის პირადობის მოწმობის ასლი;

ე) ლაგოდების მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“.

ვ) ცნობა, სოციალური მომსახურების სააგენტოს ლაგოდების რაიონული განყოფილებიდან სარეიტინგო ქულების შესახებ;

ზ) უძრავი ქონების ქირავნობის ხელშეკრულება;

თ) საცხოვრებელი სახლის, საკუთრების/ფაქტობრივი მფლობელობის დამადასტურებელი დოკუმენტი;

ი) დამქირავებლის საბანკო ანგარიში.

კ) მოძალადეზე გარკვეული მოქმედებების შეზღუდვისა ან აკრძალვისას, გაცემული შემაკავებელი და დამცავი ორდერის ასლი.

15. ოჯახში ძალადობის მსხვერპლის სტატუსის მქონე პირთა დახმარება:

ა) განცხადება;

ბ) პირადობის მოწმობის ასლი;

გ) განმცხადებლის საბანკო ანგარიში.

დ) მომხდარი ფაქტის დამადასტურებელი დოკუმენტი (შემაკავებელი ან დამცავი ორდერი /სასამართლოს გადაწყვეტილება ძალადობის საკითხებზე მომუშავე უწყებათაშორისი კომისიის გადაწყვეტილება სტატუსის მოქმედების ვადის შესაბამისად).

ე) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ.“

16. უკიდურესად გაჭირვებული და სოციალურად დაუცველი ოჯახებისათვის თბობის სეზონთან დაკავშირებით, ელექტროენერჯის ან/და ბუნებრივი აირის ღირებულების თანადაფინანსება:

ა) განცხადება;

ბ) განმცხადებლის პირადობის მოწმობის ასლი.

გ) ცნობა, სოციალური მომსახურების სააგენტოს, ლაგოდეხის რაიონული განყოფილებიდან სარეიტინგო ქულების შესახებ;

დ) სს „ენერგო პრო ჯორჯია“, ლაგოდეხის აბონენტთა მომსახურების ცენტრიდან აბონენტის რეგისტრაციის ნომერი ან/და ლაგოდეხის მუნიციპალიტეტის ტერიტორიაზე მოქმედი ბუნებრივი აირის მიმწოდებელი კომპანიიდან, აბონენტის რეგისტრაციის ნომერი.

ე) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“;

17. 100 წლის და მეტი ასაკის მქონე ხანდაზმულთა დასახმარებლად:

ა) განცხადება;

ბ) მოხუცებულის პირადობის მოწმობის ასლი;

გ) განმცხადებლის პირადობის მოწმობის ასლი;

დ) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ“;

18. დიალიზის პროგრამით მოსარგებლე პირთა კატეგორიის უზრუნველსაყოფად:

ა) განცხადება;

ბ) პირადობის მოწმობის ასლი;

გ) ცნობა ფორმა IV-100 (დედანი);

დ) ცნობა სამედიცინო დაწესებულებიდან სადაც გადის მკურნალობას.

ე) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ.“

19. უდემამო ბავშვები დახმარება (18 წლამდე), ბავშვები, რომლებსაც გარდაცვლილი ჰყავს ერთი მშობელი ხოლო მეორე მშობელს შეზღუდული აქვს მშობლის უფლება; ან /და იმ ბავშვების დახმარება რომელთა ორივე მშობლებს შეზღუდული აქვს მშობლის სტატუსი;

ა) განცხადება;

ბ) განმცხადებლის (მეურვის) პირადობის მოწმობის ასლი;

გ) ბავშვ(ებ)ის დაბადების მოწმობის ასლ(ებ)ი;

დ) მშობლების ან/და მშობლის გარდაცვალების მოწმობის ასლი;

ე) ცნობა მშობლის უფლება - მოვალეობების შეზღუდვის თაობაზე;

ვ) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ.“

ზ) კანონიერი წარმომადგენლის საბანკო ანგარიში.

20. იშვიათი, თანდაყოლილი, მძიმე დაავადების მქონე 18 წლამდე ასაკის პაციენტებისათვის კვებით ხელშეწყობა (ცელიაკი, ფენილკეტონურია და ჰემოფილია) .

ა) განცხადება (მშობლის, მეურვის, დედმამიშვილის).

ბ) განმცხადებლის პირადობის მოწმობის ასლი;

გ) ფორმა N100 ჯანმრთელობის მდგომარეობის შესახებ;

დ) ბავშვის დაბადების მოწმობის ასლი;

ე) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ.“

ვ) მომწოდებლიდან შესაბამისი ანგარიშ- ფაქტურა;

21. მკვეთრად შეზღუდული შესაძლებლობის სტატუსის (პირველი ჯგუფი) მქონე სტუდენტებისათვის სწავლის საფასურის ჩარიცხვა უმაღლეს სასწავლებელში;

ა) განცხადება;

ბ) განმცხადებლის (სტუდენტის) პირადობის მოწმობის ასლი;

გ) ცნობა შესაბამისი უმაღლეს სასწავლებლიდან სწავლის საფასურის დავალიანების თაობაზე ;

დ) შეზღუდული შესაძლებლობის მდგომარეობის დამადასტურებელი ცნობა, სოციალური მომსახურების სააგენტოს ლაგოდეხის რაიონული განყოფილებიდან;

ე) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ.“

ვ) უმაღლესი სასწავლებლის საბანკო რეკვიზიტი.

22. დედით და მამით ობოლი სტუდენტების წახალისება;

ა) განცხადება;

ბ) განმცხადებლის (სტუდენტის) პირადობის მოწმობის ასლი;

გ) ცნობა შესაბამისი უმაღლეს სასწავლებლიდან სწავლის საფასურის დავალიანების თაობაზე

დ) მშობლების გარდაცვალების მოწმობის ასლები;

ე) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ.“

ვ) უმაღლესი სასწავლებლის საბანკო რეკვიზიტი.

23. მაღალი აკადემიური მოსწრების სტუდენტების წახალისება;

ა) განცხადება;

ბ) განმცხადებლის (სტუდენტის) პირადობის მოწმობის ასლი;

გ) ცნობა შესაბამისი უმაღლესი სასწავლებლიდან ორივე სემესტრის (2022წ. შემოდგომისა და 2023 წ. გაზაფხულის) მაღალი აკადემიური მოსწრების შესახებ;

ე) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ.“

ვ) საბანკო რეკვიზიტი

24. 2022 -2023 წ.წ საჯარო სკოლის კურსდამთავრების შემდგომ უმაღლეს სასწავლებელში ჩარიცხული სტუდენტების წახალისება ერთჯერადი ფულადი დახმარებით:

ა) განცხადება;

ბ) განმცხადებლის (სტუდენტის) პირადობის ასლი;

გ) საბანკო რეკვიზიტი.

დ) ცნობა უმაღლესი სასწავლებლიდან პირის სასწავლებელში ჩარიცხვის თაობაზე;

ე) ცნობა საჯარო სკოლის დამთავრების შესახებ.

ვ) ლაგოდეხის მუნიციპალიტეტის მერის წარმომადგენლის მიერ გაცემული ცნობა „ფაქტობრივი საცხოვრებელი ადგილის შესახებ.“

მუხლი 10. სოციალური დახმარების ოდენობა

1. მკვეთრად შეზღუდული შესაძლებლობის სტატუსის მქონე პირთა ოჯახზე - 15 ლარი ყოველთვიურად, მოხმარებული ელექტროენერჯის ღირებულების დასაფარად;

2. შეზღუდული შესაძლებლობის სტატუსის მქონე ბავშვთა ოჯახზე, რომელსაც ჰყავს ერთი და მეტი არასრულწლოვანი ბავშვი (18 წლამდე ასაკის) -15 ლარი ყოველთვიურად, მოხმარებული ელექტროენერჯის ღირებულების დასაფარად;

3. უსინათლოთა ერთჯერადი ფულადი დახმარების სახით – 100 ლარის ოდენობით, 13 ნოემბერს უსინათლოთა საერთაშორისო დღესთან დაკავშირებით.

4. აუტისტური სპექტრის მქონე ბავშვ(ებ)ის (18 წლამდე ასაკის) ოჯახს ერთჯერადი ფულადი დახმარების სახით დახმარება გეწევა - 500 ლარის ოდენობით.

5. ობოლ და მარჩენალდაკარგულ ბავშვთა და მარტოხელა მშობელზე, რომელსაც ჰყავს ერთი ან მეტი არასრულწლოვანი (18 წლამდე ასაკის) შვილი - 15ლარი ყოველთვიურად, მოხმარებული ელექტროენერჯის ღირებულების დასაფარად; აგრეთვე, წლის ბოლოს, საახალწლოდ, დამატებით, ერთჯერადად, ჩაერიცხებათ თანხა - 300 ლარი;

6. ახალდაბადებულ ბავშვთა ოჯახზე პირველ შვილზე - ერთჯერადი ფულადი დახმარების სახით 100 ლარი და ახალდაბადებულ ბავშვთა ოჯახზე მეორე შვილზე - ერთჯერადი ფულადი დახმარება 200 ლარი. აგრეთვე, ყველა ახალშობილს, გადაეცემა „ახალშობილის კალათი“.

7. ტყუპი ბავშვის (ორი და მეტი) ახალშობილის შეძენისას, ერთჯერადად ფულადი დახმარების თანხა-500 (ხუთასი) ლარი.

8. მრავალშვილიან ოჯახზე, რომელსაც ჰყავს ოთხი და მეტი 18- წლამდე ასაკის შვილი, დახმარება გაეწევა ერთჯერადად, თითოეულ 18-წლამდე ასაკის შვილზე 100 ლარის ოდენობით. ხოლო სოციალურად დაუცველ 0- დან 65 000 მდე სარეიტინგო ქულის მქონე მრავალშვილიან ოჯახს დამატებით, საახალწლოდ, ერთჯერადად, ჩაერიცხებათ თანხა - 300 ლარის ოდენობით.

9. სამშობლოს დაცვისას დაღუპულთა და ომის შემდეგ გარდაცვლილ მეომართა ოჯახებზე:

ა) გარდაცვალების შემთხვევაში, დაკრძალვის სარიტუალო ხარჯებისათვის, ერთჯერადი ფულადი დახმარების სახით – 500 ლარი;

ბ) სადღესასწაულო ღონისძიებების შემთხვევაში -250 ლარის ოდენობით;

10 . უკიდურესად გაჭირვებული ოჯახის წევრის გარდაცვალებასთან დაკავშირებით, დაკრძალვის სარიტუალო ხარჯებისათვის, ერთჯერადი ფულადი დახმარების სახით – 500 ლარი;

11. იძულებით გადაადგილებულ (დევნილთა) ოჯახებზე ფულადი დახმარების სახით არა უმეტეს 250 ლარისა. (აღდგომის ბრწყინვალე დღესასწაულთან დაკავშირებით - 150 ლარი და თბობის სეზონზე - 100 ლარი.

12.ოჯახზე, რომლის წევრი საჭიროებს სასწრაფო სამედიცინო დახმარების, მკურნალობის კვლევის თანადაფინანსებას ან დაფინანსებას, პროგრამით გათვალისწინებული დაფინანსება განისაზღვრება შემდეგნაირად:

ა) 100 ლარამდე ასანაზღაურებელი თანხის შემთხვევაში დაფინანსება განისაზღვრება - თანხის 100%;

ბ) 200 ლარამდე ასანაზღაურებელი თანხის შემთხვევაში, თანადაფინანსება განისაზღვრება - 100 ლარის ოდენობით;

გ) 200 ლარს ზევით, 1400 ლარამდე, ასანაზღაურებელი თანხის შემთხვევაში - თანხის 50%.

დ) 1400 ლარს ზევით ასანაზღაურებელი თანხის შემთხვევაში - თანხის არაუმეტეს 700 ლარისა.

13. ონკოლოგიური (ავთვისებიანი სიმსივნეების) დაავადების მქონე პაციენტების მკურნალობისთვის, საჭირო მედიკამენტების თანადაფინანსება, განისაზღვრება, წლიური ლიმიტი 500 ლარის ოდენობით.

14. იშვიათი, თანდაყოლილი, მძიმე დაავადების მქონე, 18 წლამდე ასაკის, პაციენტები, დაფინანსდებიან წელიწადში ერთჯერადად -500 ლარის ოდენობით.

15. ოჯახზე, რომელიც არის უსახლკარო, ან სტიქიის (მიწისძვრა, წყალდიდობა, ხანძარი) შედეგად დაზიანებული აქვს საცხოვრებელი სახლი და საფრთხე ექმნება ადამიანთა სიცოცხლეს, – ყოველთვიურად, არაუმეტეს 150 ლარისა, ბინის ქირის დასაფარად, წლის განმავლობაში. ამავე პროგრამის ფარგლებში, ძალადობის მსხვერპლ ოჯახისათვის, დროებითი თავშესაფრით (ქირით) უზრუნველყოფა.

16. ოჯახში ძალადობის მსხვერპლის სტატუსის მქონე პირებს გაეწევათ ერთჯერადი ფულადი დახმარება -500 ლარის ოდენობით.

17. უკიდურესად გაჭირვებული და სოციალურად დაუცველი ოჯახები, რომელთაც განსაზღვრული აქვთ ყველაზე დაბალი სარეიტინგო ქულა 0-დან 65 000-მდე, და თბობის სეზონთან დაკავშირებით, საჭიროებენ ელექტროენერჯის ან/და ბუნებრივი აირის ღირებულების თანადაფინანსებას, ჩაერიცხებათ ერთჯერადად, 100 ლარი აბონენტის სარეგისტრაციო ნომერზე.

18. 100 წლის და მეტი ასაკის მქონე მოხუცებზე – ერთჯერადი ფულადი დახმარების სახით – 500 ლარი.

19. ჰემო-დიალიზზე და პერიტონიალურ დიალიზზე მყოფ მოქალაქეთათვის - მთელი წლის განმავლობაში , ყოველთვიურად-200 ლარი (ტრანსპორტირების ხარჯის თანადაფინანსება).

20. დედ-მამით ობოლი ბავშვების დახმარება, ბავშვები რომელთაც გარდაცვლილი ჰყავს ერთერთი მშობელი, ხოლო მეორე მშობელს შეზღუდული აქვს მშობლის უფლება - მოვალეობა

ან /და იმ ბავშვების დახმარება რომელთა ორივე მშობლებს შეზღუდული აქვს მშობლის უფლება - თითოეულ ბავშვზე (18 წლამდე) - 100 ლარი, ყოველთვიურად განცხადების შემოტანიდან მთელი წლის განმავლობაში.

21. მკვეთრად შეზღუდული შესაძლებლობის მქონე სტუდენტების, ერთჯერადად სწავლის საფასურის თანადაფინანსება - 500 ლარის ოდენობით.

22. დედით და მამით ობოლი სტუდენტების, სწავლის საფასურის თანადაფინანსება ერთჯერადად - 500 ლარის ოდენობით.

23. მაღალი აკადემიური მოსწრების სტუდენტების (ყველა საგანში 91 დან -100 ქულამდე ან/და GPA რეიტინგი სემესტრის მიხედვით 91 -დან ზემოთ) , ერთჯერადი მატერიალური წახალისება - 1000 ლარის ოდენობით.

24. 2023 წელს ლაგოდების მუნიციპალიტეტის საჯარო სკოლის კურს დამთავრების შემდეგ ყველა უმაღლეს სასწავლებელში ჩარიცხული პირველკურსელთა წახალისდება ერთჯერადი ფულადი დახმარებით:

ა) ოქროს მედალოსანი სტუდენტი წახალისდება ერთჯერადად - 600 ლარის ოდენობით;

ბ) ვერცხლის მედალოსანი სტუდენტი წახალისდება ერთჯერადად - 500 ლარის ოდენობით;

გ) უმაღლეს სასწავლებელში ჩარიცხული სტუდენტი წახალისდება ერთჯერადად - 400 ლარის ოდენობით.

მუხლი 11. სოციალური ღონისძიებების დაფინანსება

1. მოქალაქეთა ჯანმრთელობის მდგომარეობისა და სოციალური პირობების გაუმჯობესების მიზნით, მუნიციპალიტეტის საკრებულოს დადგენილებით დამტკიცებული პროგრამის საფუძველზე, მოქალაქის მიერ, მუნიციპალიტეტის მერიაში წარდგენილი განცხადება, თანდართული დოკუმენტაციით განსახილველად, დაუყოვნებლივ, გადაეგზავნება მუნიციპალიტეტის მერიის ჯანმრთელობის დაცვისა და სოციალური მომსახურების სამსახურს, რომელიც ამოწმებს განცხადებებისა და თანდართული დოკუმენტაციის პროგრამასთან შესაბამისობას და ამზადებს მოხსენებით ბარათს, მუნიციპალიტეტის მერის სახელზე, ხოლო სამედიცინო მომსახურების თანადაფინანსებისათვის მოთხოვნის დადებითად გადაწყვეტის შემთხვევაში სამსახური სამედიცინო დაწესებულების სახელზე მუნიციპალიტეტის მერის ხელმოწერით გასცემს ადმინისტრაციული ორგანოს დაპირებას. სამედიცინო მომსახურების თანადაფინანსება (თანხის გადარიცხვა სამედიცინო დაწესებულების ანგარიშზე) განხორციელდება მუნიციპალიტეტის მერის ინდივიდუალურ-სამართლებრივი აქტით (ბრძანებით) სამედიცინო მომსახურების შემდგომი, სამუშაოს (სამედიცინო მომსახურების) დასრულების დამადასტურებელი დოკუმენტაციის მუნიციპალიტეტის მერიაში წარდგენისთანავე.

2. უფასო კვების ობიექტის დაფინანსება მოხდება, მუნიციპალიტეტის მერიის, 2023 წლის ადგილობრივი ბიუჯეტის გეგმის შესაბამისად, ბენეფიციარების რაოდენობის გათვალისწინებით.

3. საზოგადოებრივი ჯანდაცვის ღონისძიებების დაფინანსება მოხდება, მუნიციპალიტეტის მერიის, 2023 წლის ადგილობრივი ბიუჯეტის გეგმის შესაბამისად.

4. უმწეო ხანდაზმულთა სოციალური რეაბილიტაციის პროგრამა - „სოციალური სტრატეგიებისა და მომსახურების განვითარება ყველაზე დაუცველებისათვის, კახეთის რეგიონში, ადგილობრივი ხელისუფლებისა და სამოქალაქო საზოგადოების მიერ“ - ხორციელდება, საქართველოს წითელი ჯვრის საზოგადოებისა და ადგილობრივი თვითმმართველობის ერთობლივი პროგრამის ფარგლებში, 2023 წლის ადგილობრივი ბიუჯეტის გეგმის შესაბამისად.

5. სამშობლოს დაცვისას დაღუპულთა და ომის შემდეგ გარდაცვლილ მეომართა ოჯახების, აგრეთვე, სადღესასწაულო ღონისძიებების დაფინანსება მოხდება 2023 წლის ადგილობრივი ბიუჯეტის გეგმის შესაბამისად.

6. შეზღუდული შესაძლებლობების მქონე, სპეციალური საგანმანათლებლო საჭიროებების მქონე და მიტოვების რისკს მიღმა მყოფ პირთა ფუნქციური უნარების გაუმჯობესება, საზოგადოებრივი და საგანმანათლებლო ცნობიერების ამაღლება, სოციალური ინტეგრაციის და ინკლუზიის ხელშეწყობა მოხდება 2023 წლის ადგილობრივი ბიუჯეტის გეგმის შესაბამისად.

თავი IV

სოციალური დახმარების განხორციელების მექანიზმი, შეფასების კრიტერიუმები და შედეგები

მუხლი 12. სოციალური დახმარების განხორციელების მექანიზმი

სოციალური დახმარების განხორციელების მექანიზმია:

1. სოციალური დახმარების გასაცემად, შესაბამისი გადაწყვეტილება მიიღება, მუნიციპალიტეტის მერის ბრძანების საფუძველზე, როგორც ამ პროგრამით გათვალისწინებული კრიტერიუმების, ასევე სხვა გამონაკლის შემთხვევაში (მერის გადაწყვეტილებით).

2. სოციალური დახმარების მისაღებად, მოქალაქეთა მიერ, წარმოდგენილი საბუთების სისწორეს, აკონტროლებს ლაგოდების მუნიციპალიტეტის მერიის ჯანმრთელობის დაცვისა და სოციალური მომსახურების სამსახური.

3. მუნიციპალიტეტის მერიის მიერ (ამ პროგრამით გათვალისწინებული ვადის შესაბამისად) გაწეული დახმარება ჩაირიცხება მოქალაქის მიერ წარმოდგენილ საბანკო რეკვიზიტებზე.

4. სამედიცინო კვლევის, მკურნალობის მომსახურების თანადაფინანსების სახით გამოყოფილი თანხა ჩაირიცხება შესაბამისი სამედიცინო დაწესებულების ანგარიშზე, საანგარიშსწორებო დოკუმენტში მითითებულ რეკვიზიტებზე, ადმინისტრაციული ორგანოს დაპირების გაცემიდან ორი თვის ვადაში. აღნიშნული ვადის ამოწურვის შემთხვევაში, სამედიცინო მომსახურება დაფინანსებას აღარ დაექვემდებარება.

5. არასრულწლოვანი პირის დახმარების შემთხვევაში, თანხა გაიცემა ოჯახის ერთ-ერთ სრულწლოვან წევრზე ან მის კანონიერ წარმომადგენელზე, რომელმაც განცხადებით მიმართა მუნიციპალიტეტის მერიას .

6. 2022 წლის ბოლოს და 2023 წელში ახალდაბადებული ბავშვის ოჯახებზე, დახმარება გაიცემა დაბადებიდან ექვსი თვის ვადაში.

7. საახალწლო სადღესასწაულო საჩუქრები გაიცემა იმ შეზღუდული შესაძლებლობის მქონე პირებზე (18 წლამდე ასაკის) ბავშვებზე, მარტოხელა, მრავალშვილიან, მაჩენელდაკარულ და ყველა საჭიროების მქონე პირებზე ვინც ისარგებლა ჯანმრთელობისა და სოციალური დაცვის

2023 წლის პროგრამით და მუნიციპალიტეტის მერის წარმომადგენლების მიერ მოწოდებული ინფორმაციის საფუძველზე.

8.სამშობლოს დაცვისას დაღუპულთა და ომის შემდეგ გარდაცვლილ მეომართათვის განსაზღვრული ღონისძიებების დაფინანსება მოხდება, საქართველოს ვეტერანთა საქმეების დეპარტამენტის ერთიან მონაცემთა ბაზაში რეგისტრირებული მონაცემების საფუძველზე.

9.ოჯახზე, რომელიც არის უსახლკარო, ან სტიქიის შედეგად დაზიანებული საცხოვრებელი სახლი საფრთხეს უქმნის ადამიანთა სიცოცხლეს, უზრუნველყოფილი იქნება ბინის ქირით.

მუხლი 13. სოციალური დახმარების პროგრამის რეალიზაციაზე პასუხისმგებელი სუბიექტები
სოციალური დახმარების პროგრამის რეალიზაციაზე პასუხისმგებელი სუბიექტები არიან:

1. საორგანიზაციო ნაწილში - ლაგოდების მუნიციპალიტეტის მერიის ჯანმრთელობის დაცვისა და სოციალური მომსახურების სამსახური.

2. საფინანსო ნაწილში - ლაგოდების მუნიციპალიტეტის მერიის საფინანსო სამსახური.

მუხლი 14. პროგრამის განხორციელების ვადა

პროგრამის განხორციელების ვადაა 2023 წლის იანვრიდან 31 დეკემბრის ჩათვლით.

მუხლი 15. პროგრამის შეფასების კრიტერიუმები

პროგრამის შეფასების კრიტერიუმებია:

1. მინიმალური სოციალური დახმარების ხელმისაწვდომობა.
2. დადგენილი კრიტერიუმების შესაბამისად, პროგრამაში ჩართულ მოქალაქეთა რაოდენობა.
3. დაგეგმილი და ფაქტობრივი მონაცემების შესაბამისობა.
4. პროგრამის განხორციელების ვადები.

მუხლი 16. პროგრამის განხორციელების შედეგი

პროგრამის განხორციელების შედეგად:

1. უკეთესობისაკენ შეიცვლება სოციალური ფონი.
2. გაიზრდება დემოგრაფიული მონაცემები.
3. გაუმჯობესდება მოსახლეობის ჯანმრთელობის მდგომარეობა.
4. ჩამოყალიბდება პროგრამაში ჩამოთვლილ კატეგორიებს მიკუთვნებულ პირთა მონაცემთა ბაზა.

დანართი №2

ლაგოდების მუნიციპალიტეტის მერიის მოსახლეობის ჯანმრთელობისა და სოციალური დაცვის პროგრამის 2023 წლის ბიუჯეტი და რეალიზაციის ვადა.

პროგრამული კოდი	დასახელება		2023წლის პროექტი (ათ.ლარი)	
06 00	ჯანმრთელობის დაცვა და სოციალური უზრუნველყოფა		1 347 500	
06 01	ჯანმრთელობის დაცვა		180 000	
06 01 01	საზოგადოებრივი ჯანმრთელობისა და უსაფრთხო გარემოს უზრუნველყოფა			
06 02	სოციალური დაცვა			
06 02 01	ჰემოდიალიზზე და პერიტონიალურ დიალიზზე მყოფ მოქალაქეთა სოციალური დაცვა	ჰემოდიალიზზე და პერიტონიალურ დიალიზზე მყოფ მოქალაქეთა ტრანსპორტირების ხარჯის თანადაფინანსება.	75 000	ყოველთვიურად
06 02 02	ოჯახებისა და ბავშვების სოციალური დაცვა	მრავალშვილიანი ოჯახების დახმარება.	190 000	წელიწადში ერთხელ და ახალწელს ერთჯერადად.
		ტყუპი შვილის შექმნისას ოჯახების დახმარება.		წელიწადში ერთხელ

პროგრამული კოდი	დასახელება		2023წლის პროექტი (ათ.ლარი)	
		ახალდაბადებულ ბავშვთა ოჯახის დახმარება.		დაბადებიდან 6 თვის ვადაში
		ახალშობილთა ოჯახზე სასაჩუქრე კალათის გადაცემა		პროგრამის შესაბამისად
		დედ-მამით ობოლი ბავშვების, ბავშვები რომელთაც გარდაცვლილი ჰყავს ერთერთი მშობელი, ხოლო მეორე მშობელს შეზღუდული აქვს მშობლის უფლება - მოვალეობა ან /და იმ ბავშვების დახმარება რომელთა ორივე მშობლებს შეზღუდული აქვს მშობლის სტატუსი;		ყოველთვიურად პროგრამის შესაბამისად
		ობოლი და მარჩენალდაკარგული ბავშვთა ოჯახი რომელსაც ჰყავს ერთი და მეტი არასრულწლოვანი შვილი.		პროგრამის შესაბამისად,
		მარტოხელა მშობელი, რომელსაც ჰყავს ერთი ან მეტი არასრულწლოვანი შვილი		პროგრამის შესაბამისად,

პროგრამული კოდი	დასახელება		2023წლის პროექტი (ათ.ლარი)	
06 02 03	სამედიცინო კვლევების, სტაციონალური მომსახურების თანადაფინანსების პროგრამა.	ოჯახში ძალადობის მსხვერპლის სტატუსის მქონე ოჯახების დახმარება.	330 000	პროგრამის შესაბამისად წელიწადში ერთხელ.
		სამედიცინო კვლევებისა და სტაციონარული მომსახურების თანადაფინანსება.		პროგრამის შესაბამისად წელიწადში ერთხელ.
		ონკოლოგიური (ავთვისებიანი სიმსივნეების) დაავადების მქონე პაციენტების მკურნალობისთვის საჭირო მედიკამენტების თანადაფინანსება.		პროგრამის შესაბამისად (აღნიშნული თანხის შევსებამდე)
		იშვიათი, თანდაყოლილი, მძიმე დაავადების მქონე 18 წლამდე პაციენტებისათვის (საკვები დანამატის) შეძენა.		პროგრამის შესაბამისად წელიწადში ერთხელ.
06 02 04	უმწეო ხანდაზმულთა სოციალური რეაბილიტაციის თანადაფინანსების პროგრამა		75 000	
06 02 05		მაღალი აკადემიური მოსწრების	125 000	პროგრამის შესაბამისად

პროგრამული კოდი	დასახელება		2023წლის პროექტი (ათ.ლარი)	
	სტუდენტების დახმარების პროგრამა	სტუდენტების დახმარება.		წელიწადში ერთხელ.
		დედით და მამით ობოლი 18 -დან 25 წლამდე სტუდენტების დახმარება		პროგრამის შესაბამისად წელიწადში ერთხელ.
		მკვეთრადშეზღუდული შესაძლებლობის სტატუსის მქონე სტუდენტების დახმარება		პროგრამის შესაბამისად წელიწადში ერთხელ.
		2023 წელს უმაღლეს სასწავლებელში ჩარიცხული სტუდენტების წახალისება.		
06 02 06	მზრუნველობამოკლებულთა უფასო კვებით უზრუნველყოფის პროგრამა		160 000	ბიუჯეტის გეგმის შესაბამისად
02 06 07	იმულებით გადაადგილებულ პირთა (დევნილთა) დახმარების პროგრამა		14 500	პროგრამის შესაბამისად
02 06 08	ომის მონაწილე ვეტერანებისა და მათი ოჯახების დახმარების პროგრამა		5000	პროგრამის შესაბამისად

პროგრამული კოდი	დასახელება		2023წლის პროექტი (ათ.ლარი)	
02 06 09	მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა		60 000	პროგრამის შესაბამისად
02 06 10	უკიდურესად გაჭირვებული და სოციალურად დაუცველი ოჯახებისათვის თბობის სეზონთან დაკავშირებით ელექტროენერჯის ან/და ბუნებრივი აირის ღირებულების თანადაფინანსება.		50 000	პროგრამის შესაბამისად
06 02 11	100 და მეტი წლის ასაკის ხანდაზმულ პირთა დახმარების პროგრამა		3000	პროგრამის შესაბამისად
06 02 12	სარიტუალო ხარჯი	სამშობლოს დასაცავად მებრძოლთა ოჯახებისა და ვეტერანების ინტერესების დაცვა	7000	პროგრამის შესაბამისად
		უკიდურესად გაჭირვებული ოჯახის წევრის გარდაცვალებასთან დაკავშირებით, ფულადი დახმარება (სარიტუალო ხარჯებისათვის)		პროგრამის შესაბამისად

პროგრამული კოდი	დასახელება		2023წლის პროექტი (ათ.ლარი)	
06 02 13	შეზღუდული შესაძლებლობის სტატუსის მქონე (პირველი ჯგუფი) პირთა და შეზღუდული შესაძლებლობის სტატუსის მქონე ბავშვთა (18 წლამდე ასაკის) დახმარების პროგრამა;	მკვეთრად შეზღუდული შესაძლებლობის მქონე პირთა დახმარება	73 000	პროგრამის შესაბამისად
		მკვეთრად შეზღუდული შესაძლებლობის მქონე ბავშვთა (18 წლამდე) ოჯახების დახმარება. საახალწლოდ ბავშვებისათვის ტკბილეულის პაკეტების შექმნა		პროგრამის შესაბამისად

		შეზღუდული შესაძლებლობების მქონე, პირთა მხარდაჭერა, სოციალური ინკლუზიის ხელშეწყობა და დამოუკიდებელი ცხოვრებისათვის საჭირო უნარების განვითარება.		პროგრამის შესაბამისად
		აუტისტური სპექტრის მქონე ბავშვ(ებ)ის (18 წლამდე ასაკის) ოჯახს დახმარება.		წელიწადში ერთჯერადა.
		უსინათლოთა დახმარება		პროგრამის შესაბამისად